

मुलुगनि समायना मन्दिरफोर

गोदान दिल्ली, 17 नभेम्बर : मुलुगनि माखासे मन्दिरफोरनि समायना इन्टिरियारखौ नायनो थाखाय हादत आरो गुबुन हादतनि सुबुंफोरा दावबाय फैंयो। बे समायना धोरोमारि न' बिल्डिंफोरनि मुड रेकर्ड जादों।



(1) जापाननि कटककु टेम्पलयाव बानायनाय बुद्धनि बयनिखुइबो देरसिन मुसुखाया मुलुगनाइ मुंदांखा जादों। बेनि जौथाया 43.8 फुट आरो लिरथाया 93 टन। बे मुसुखाखौ नायनो थाखाय रोजा रोजा टुरिस्टफोरा बेवहाय दावबाय फैंयो। मिथिगायारि थासारिजों



बेंखनना थानाय बे मन्दिरयाव मोनसे रोखोमनि आलादा गोजोन्नायखौ मोन्दांथियो।

(2) बेंककनि बेन्समबफिट मन्दिरनि समायनाया मुलुगनाइ मुंदांखा। बे मन्दिरा इटालीनि मार्बलजों बानायनाय, जायनि जाहोनाव



बेखौ मार्बल टेम्पलबो बुंनाय जायो।

(3) भारतनि राजथावनि दिल्लीयाव बानायनाय मन्दिरा लटास फ्लावारनि दाथायाव बानायनाय। बे मन्दिरनि समायनाखौ नायनो थाखाय बेवहाय रोजा रोजा दावबायारिफोरा होंगो-दोंगो जायो।

बिदिन्था

लहानि बुलेट प्रबजों खोबथे जानाय आंनि देहा राबाटनि गुलिया दिने बाय हाजार जोफलदों आलौनायजों आं साकथिख 'दों- गोजा थैया बोहैनानै लैथोमानि महर लालांदों गांहाबनानै थानाय जुनातफोरा बे लैथोमानि दैखौ लौनानै गोजोननार्यानि गोलाव हांमा सुरदों। आलौनाय आरो सानायजों आं हत्रिखाव हत्रिखाव गाबदों नाथाय आंनि गाबनायखौ रावबो खोनायाखै। आलौनायखौ हमथा हमथा आं सिगांदों आंनि देरा फारसे नाथाय गोसोम खसाब गान्नायसिनायै सुबुंफोरा आंनि लामा बेंथेदों आं आरो बुजि मोनै माबा रवजों सोगोमदों आरोबाव सिगुनफोर गाग्लोबनानै आंनि बेदर अरख्लाबदों दरफा दरफा आं गिनानै गोग्लैसोना थादों। आं गिनायजों खमफिदों आंनि मोदोमा थोर थोर मावदों। अब्लाबो खोनादों आं गोजाननि मज्जितआव नामाजनि गोदें देखो खन्थाय दालाइयाव बानानै फेरेंगा दावयाबो हरनि जोबथा बुब्लिन एसारा होदों। आं सान्दोंमोन सोरानो आरो बारा गोबाव गैलिया नाथाय लासैनो खोमसिया बारनिप्रय बारासो साग्लोबबोदों। बिफां दालाइ गोरानाव बानानै काल फेसानि मिड-मिड गाबनाय आं खोना बावदों ॥।

मुसि पबित्र बसुमतारी
गामि- सा- सिजुगुरी



(4) पान्जाबनि अमृतसार सहराव थानाय गुरुद्वारेखौ गल्डेन एबा स्वर्ण मन्दिरबो बुंनाय जायो। बे मन्दिरनि सा बाहागोया सनाजों बानायनाय, जायनि जाहोनाव बेखौ स्वर्ण मन्दिरबो बुंनाय जायो। (5) बेइर्जनि हेभेन मन्दिरखौ सार्ग आरो बुहुमनि गेजेरनि नेसॉनबो




बुंनाय जायो। बे मन्दिरयाव गोजोन्नाय आरो नेचुरेल बिउटिनि रंजानायखौ लानो हागोन।

(6) थाइलेन्डनि वाट रोंग खुन मन्दिरसिम सौहैनो थाखाय गंसे दालांखौ बारलानांगो। बे मन्दिरा मुलुगनि समायनासिन मन्दिरनि



गेजेराव मोनसे।

(7) बेलग्रेडयाव बानायनाय सेन्ट साबा मन्दिरखौ सार्चबो बुंनाय जायो। बे मन्दिरा गोबां समायना, जायनि समायनाखौ नायनानै बयबो गोमोयो ॥



दासान नों अनजालि
दासान नों अनजालि
आंखौ अनजालु होननानै
सानानै दाला नों अनजालि
आंखौ गावनि असे होन्नानै।
अनजालि, आं नोंनि अननायखौ बावनो हाया
थेवबो आं नोंनि आंगोनि जानो हाया।
नों जाबाय न'निनो दावसा।
आं जाबाय हाग्रानि मोसा
हाजों अख्रांजों गोरुबगोनाबो
जेब्लाबो नड थामसा।
गाबोननो आं नोंनि असे जागोन
खैफोदनि समाव सोर नायफिनगोन ?
फागुननि जावलिया बारा बुसोमगोन
अब्ला आंखौ सोर बोखंगोन ?
दासान नों अनजालि आंजों
मोजां मोन्नायनि खेला गेलेनो।
आंथ' गांसेबो लाइजाम मोजां
मोनो होनना हराखैमोन
नाथाय नों-
फरायसालियाव माबोरै बदनाम होखो ?
आंखौ मोजां मोनो होन्नानै।
हाबाब ! दासान दासान अनजालि
नों आंखौ मोजां मोनो होन्नानै,
नों मिथिया नामा मोजां मोन्नाया
खेला नड होन्नानै
नाथाय.....,
नों अनजालि फरायसालियाव
फरायनोना
आंखौसो नोजोर होनो ?
दासान नों अनजालि....।

श्री बिपुल औवारी
द तेमा एडम एस स्कुल
ला:सो:- द तेमा।

रंजालि गथ' फोरनि सौरा

गोजा गलाब बिबार बैथा गैयै दिड

फालगुन दाननि जावलिया बाराव।
सानस'नो हायै लाइमोन बैसोआव
गुवार गोसोनि अन्नाय लानानै
मोजां मोन्दोंमोन रजे
आं नोंखौ जेब्ला।
अब्ला, नों आंनि बायराब
देरानि लांगोनायाव बारदोंमोन
सानैसोनि गोजा गलाब बिबार।
दिने बै गोजा गलाब बिबारा बहा ?... ?
नाथाय, नोंदि बै सिखिफोरनि
गेजेरावसो बारहैनानै दं।
आंनि बेसेबा गोजानावसो.।
नों, मोदोम जायाखैथ',
सिखिफोरजों बिदै सोबजानो।
बिबिदिनो, रंजे नोंखौ आं
हास्थायदोंमोन मोकथांआव।
नाथाय नोंदि बावगारलांबाय
अब्लाबो आं नोंखौ गोबोंजों
मोजां मोन्दोंमोन...
जाफुं होनो थाखै....
नाथाय सानाखैमोन नों रंजे
आंनि अन्नायखौ सैथो गोथार होना।
जाउनाव जानांबाय आं दिने
लोगो गोमाजानाय दाउसा माउरिया
बिदिब्ला रंजे बुं बै समनि
अन्नाया बेसेन गैयामोन नामा।
जानो हागौ आंदि गोरुस्थि
खालामबाय बनि थाखाय नों
आंखौ नेवसिगारनो हागौ।
नाथाय, नोंबो इसेबां गिदिर
समाय लानायखौ गियाखैसै।
ना नों समायखौ फिसा
होन्नानै सासनबाय नामा।
ना फालगुन दाननि थिं थिं
सान्दुं दुंनायाव रानज्रिलानो
हमबाय नामा बै गोजा

वेनिजन बरग'थारी।
बडइगाव कलेज

नोंनि थाखायनो

रजे नोंनि थाखायनो
गोजोन गैला आंहा।
नों मानो आंखौ मिथिया
नों मानो आंजों एरा एरा।
नोंनि बेदि आखलावनो
जाबाय आं बोदोर बावलि।
रायज्जायनो सानो आं नोंजों
आंनि गोसोनि बाश्राखौ।
नाथाय नोंदि आंजों एरा एरा
आं सानो, आंनि अननायखौ
नोंनो होनो....
नाथाय नोंदि गुमुर होया।
जाबाय आं नोंनि थाखायनो
दिने असु खुथु उसाव बादव
नाथाय नों मानो आंखौ मिथिया
नोंनि बे बायदि आखलाआवनो
जाबाय आं दिने फागला
नों मानो बुलिया-
नों मानो मिथिया।
जाबाय आं नोंनि थाखायनो
खाराव माराव।
खहाबला जानो लौनो
नोंनि थाखायनो।
उन्दुनो आंखारला नोंनि
थाखायनो सानबायथासै
सान हर। रजेया मानो
दुखु नांथाव आखल दिन्थियो
आं नोंनि गोबोंनि अननायखौ
अरायबो मोननो लुबैयो।
आंबो आंनि अननायखौ सिरि सिरि
नोंनो होदोंमोन रजे नाथाय
नों आंनो गुमुर होया
गोसोखांसै अराय नोंखौल'
हास्थायसै अराय नोंखौल' नोंनि
थाखायनो जासै आं एखनबा
गोसो खांनो मोदैन बाना।

लकनाथ नार्जारी
ला:सो: पाटगाव
जिला-कक्राझार।

जेरैबो नुहरसहायै लैथो बिखानि गेजेराव
आं दिने हारसिडे
जावलांगोन माबोरै, सौहैगोन माबोला
आंनि जिउनि बैथा गैयै दिड।
आंनि गोसो जिउआव गिखांनाय फैंयो
एखनब्ला बारलांगोन माबोरै आं
लैथो गेजेराव दैन दाहारआव
आंनि जिउनि बैथा गैयै दिड।
माब्लाबा बायदि गोरुस्थि जाउनाव
दैन दाहारआव हरखाबै बुखारलाडेब्ला
सोर हमथानो हानो लैथो गेजेराव
आंनि जिउनि बैथा गैयै दिड।

-निजोम बर'
गामि:- पच्चीम पानेरी
ला:सो:- पानेरी
जिल्ला:- उदालगुरि बि टि आर, आसाम

जाबाय आं दुथामि

आंनि जिउनि हाहाहोगिरी
अनजालु आन्जालि, बिफा बिमाफोर
गावसोरनि गोसो गोबोंआव हाजासे,
गोथार मिजिं लानानै दोनहरदोंमोन,
दिने आंखौ टावन-सह'राव,
स्कुल, कलेज फरायनो।
बुरलु बुरला खालामनानै
गावसोरनि बिखानि थैखौ दै खालामनानै,
हरदोंमोन रोजा रोजा रां
गावनि फिसानि नांगौ बादियै।
नाथाय दिने मोनथिया हसिया,
सह'रनि गुदुं बारजों बारफानानै
गावनि सान्नाय हनायखौ सोलायबाय,
बिफा-बिमानि मान-इजोदखौ बावगारबाय।
लिरनाय-फरायनायआबो जाबाय
लैथोनि दै दाहारआव गोजावनाय
खोमस्लिफानफोरा बायदि थांखि गैयै।
सानफ्रोमबो सह'रनि ग'लायावल',
जौ, सिगारेट आरो थांखु सोबै -सोबै
समखौ आं बारहोदोंमोन।
गावनि जौमोननि हाबिलासखौ सानहरनो
सम आरो बोथोरआवो गैला आंहा,
खालिबोल' नांगौ -नांगौ-नांगौ
जौ, जुवा आरो सिगारेट।
गिनाय, लाजिनायआबो गोमा जोबबाय,
लामा सामा सिख्ला सासेबो
बारग'लिया....
हाय ! आं मादि मावफोनांखो....
थारैनो जाबाय आंबो सासे दुथामि।

मुसि प्रफुल्ल नार्जारी।
कक्राझार कलेज।

गोसो थोफ्लांबाय आं

गोसो थोफ्लांबाय आं
नोंखौ स'ना;
मा होन्नानै रायज्जायबावगोन आं
नोंखौ लोगो मोनबोला सना।
जाया नंड जाबाय नोंबो
सासे महर गोसा नोंबो
सासे महर गोसा सिखोला;
फसाया नंड फसायफ्लांबाय
आंनि जावलिया गोसोआबो।
गोजावनांबाय आं नोंनि महरावनो
रायखोमा जानांबाय आं ;
सुबुंजों हिनजावनि फागोला
बखि जानांबाय आं लामा-सामा।
दोहो-दोहो खामगिल लांडो आंनि सोलेरा
दुखुनि मोदैंजों लोमसाव फैंयो;
जेबोला नोंनि हायना गोनां महरखौ गोसोखांडो
हाया आं नोंखौ बावनो हाया।
नोंनि मिनिनाय नोंनि रायज्जायनाय
दिने नुयै गामोनबो नुयैनो;
गोसो थोफ्लांबाय आं नोंखौ सना
नों मानि-दामानि।
नाथाय नागिरे-नागिरे मोनबायमोन आं
सायखना नोंखौल बे जोनोमाव;
मोनहां-मोनहां जागोना जाया
आंनि गोसोजों हास्थायनाया।
बेयो आं अराय सम
नोंनि गुरे रावनि फिन्नाय सना;
आंनि गेग्रेव देरानि दरखांआव।

राम नाथ बसुमतारी
श्रीमन्त शंकरदेव योजी फरायसालि
ला:सो:- न्यु बडउगाव

